

वैराग्य भावना : श्री वज्रनाभि चक्रवर्ती
Vairāgya bhāvanā: Śrī vajranābhi cakravartī

भाषाकार : कविश्री भूधरदास
Bhāṣākāra: Kaviśrī bhūdharadāsa

(दोहा)
(Dōhā)

बीज राख फल भोगवे, ज्यों किसान जग-माँहिं ।
त्योँ चक्री-नृप सुख करे, धर्म विसारे नाहिं ॥१॥
beej raakh phal bhogave, jyon kisaan jag-maanhin |
tyon chakree-nrp sukh kare, dharm visaare naahin ||1||

(जोगीरासा व नरेन्द्र छन्द)
(jogeeraasa va narendr chhand)

इहविधि राज करे नरनायक, भोगे पुण्य-विशालो ।
सुख-सागर में रमत निरंतर, जात न जान्यो कालो ॥
एक दिवस शुभ कर्म-संजोगे, क्षेमंकर मुनि वंदे ।
देखि श्रीगुरु के पदपंकज, लोचन-अलि आनंदे ॥२॥
ihavidhi raaj kare naranaayak, bhoge puny-vishaalo |
sukh-saagar mein ramat nirantar, jaat na jaanyo kaalo ||
ek divas shubh karm-sanjoge, kshemankar muni vande |
dekhi shreeguru ke padapankaj, lochan-ali aanande ||2||

तीन-प्रदक्षिण दे सिर नायो, कर पूजा थुति कीनी ।
साधु-समीप विनय कर बैठ्यो, चरनन-दृष्टि दीनी ॥
गुरु उपदेश्यो धर्म-शिरोमणि, सुनि राजा वैरागे ।
राज-रमा वनितादिक जे रस, ते रस बेरस लागे ॥३॥
teen-pradakshin de sir naayo, kar pooja thuti keenee |
saadhu-sameep vinay kar baithyo, charanan-drshti deenee ||
guru upadeshyo dharm-shiromani, suni raaja vairaage |
raaj-rama vanitaadik je ras, te ras beras laage ||3||

मुनि-सूरज-कथनी-किरणावलि, लगत भरम-बुधि भागी ।
भव-तन-भोग-स्वरूप विचार्यो, परम-धरम-अनुरागी ॥
इह संसार-महावन भीतर, भरमत ओर न आवे ।
जामन-मरन-जरा दव-दाहे, जीव महादुःख पावे ॥४॥

muni-sooraj-kathanee-kiranaavali, lagat bharam-budhi bhaagee ।
bhav-tan-bhog-svaroop vichaaryo, param-dharam-anuraagee ॥
ih sansaar-mahaavan bheetar, bharamat or na aave ।
jaaman-maran-jara dav-daahe, jeev mahaadu:kh paave ॥4॥

कबहूँ जाय नरक-थिति भुंजे, छेदन-भेदन भारी ।
कबहूँ पशु-परयाय धरे तहूँ, वध-बंधन भयकारी ॥
सुरगति में पर-संपति देखे, राग-उदय दुःख होई ।
मानुष-योनि अनेक-विपतिमय, सर्वसुखी नहिं कोई ॥५॥

kabahoon jaay narak-thiti bhunje, chhedan-bhedan bhaaree ।
kabahoon pashu-parayaay dhare tahan, vadh-bandhan bhayakaaree ॥
suragati mein par-sampati dekhe, raag-uday du:kh hori ।
maanush-yoni anek-vipatimay, sarvasukhee nahin kori ॥5॥

कोई इष्ट-वियोगी विलखे, कोई अनिष्ट-संयोगी ।
कोई दीन-दरिद्री विलखे, कोई तन के रोगी ॥
किस ही घर कलिहारी नारी, कै बैरी-सम भाई ।
किस ही के दुःख बाहर दीखें, किस ही उर दुचिताई ॥६॥

kori isht-viyogee vilakhe, kori anisht-sanyogee ।
kori deen-daridree vilakhe, kori tan ke rogee ॥
kis hee ghar kalihaaree naaree, kai bairee-sam bhaari ।
kis hee ke du:kh baahar deekhen, kis hee ur duchitaari ॥6॥

कोई पुत्र बिना नित झूरे, होय मरे तब रोवे ।
खोटी-संतति सों दुःख उपजे, क्यों प्राणी सुख सोवे ॥
पुण्य-उदय जिनके तिनके भी, नाहिं सदा सुख-साता ।
यह जगवास जथारथ देखे, सब दीखे दुःखदाता ॥७॥

kori putr bina nit jhoore, hoy mare tab rove ।
khotee-santati son du:kh upaje, kyon praanee sukh sove ॥
puny-uday jinake tinake bhee, naahin sada sukh-saata ।
yah jagavaas jathaarath dekhe, sab deekhe du:khadaata ॥7॥

जो संसार-विषे सुख होता, तीर्थकर क्यों त्यागे ।
काहे को शिवसाधन करते, संजम-सों अनुरागे ॥
देह अपावन-अथिर-घिनावन, या में सार न कोई ।
सागर के जल सों शुचि कीजे, तो भी शुद्ध न होई ॥८॥

jo sansaar-vishe sukh hota, teerthankar kyon tyaage ।
kaahe ko shivasaadhan karate, sanjam-son anuraage ॥
deh apaavan-athir-ghinaavan, ya mein saar na kori ।
saagar ke jal son shuchi keeje, to bhee shuddh na hori ॥8॥

सात-कुधातु भरी मल-मूरत, चर्म लपेटी सोहे ।
अंतर देखत या-सम जग में, अवर अपावन को है ॥
नव-मलद्वार स्रवे निशि-वासर, नाम लिये घिन आवे ।
व्याधि-उपाधि अनेक जहाँ तहँ, कौन सुधी सुख पावे ॥९॥

saat-kudhaatu bharee mal-moorat, charm lapetee sohe ।
antar dekhat ya-sam jag mein, avar apaavan ko hai ॥
nav-maladvaar sraven nishi-vaasar, naam liye ghin aave ।
vyaadhi-upaadhi anek jahaan tahan, kaun sudhee sukh paave ॥9॥

पोषत तो दुःख दोष करे अति, सोषत सुख उपजावे ।
दुर्जन-देह स्वभाव बराबर, मूर्ख प्रीति बढ़ावे ॥
राचन-योग्य स्वरूप न याको, विरचन-जोग सही है ।
यह तन पाय महातप कीजे, या में सार यही है ॥१०॥

poshat to du:kh dosh kare ati, soshat sukh upajaave ।
durjan-deh svabhaav baraabar, moorakh preeti badhaave ॥
raachan-yogy svaroop na yaako, virachan-jog sahee hai ।
yah tan paay mahaatap keeje, ya mein saar yahee hai ॥10॥

भोग बुरे भवरोग बढ़ावे, बैरी हैं जग-जी के ।
बेरस होंय विपाक-समय अति, सेवत लागें नीके ॥
वज्र अग्नि विष से विषधर से, ये अधिके दुःखदाई ।
धर्म-रतन के चोर चपल अति, दुर्गति-पंथ सहाई ॥११॥

bhog bure bhavarog badhaaven, bairee hain jag-jee ke ।
beras hony vipaak-samay ati, sevat laagen neeke ॥
vajr agni vish se vishadhar se, ye adhike du:khadaari ।
dharm-ratan ke chor chapal ati, durgati-panth sahaari ॥11॥

मोह-उदय यह जीव अज्ञानी, भोग भले कर जाने |
ज्यों कोई जन खाय धतूरा, सो सब कंचन माने ||
ज्यों-ज्यों भोग-संजोग मनोहर, मन-वाँछित जन पावे |
तृष्णा-नागिन त्यों-त्यों डंके, लहर-जहर की आवे ||१२||

moh-uday yah jeev agyaanee, bhog bhale kar jaane |
jyon kori jan khaay dhatoora, so sab kanchan maane ||
jyon-jyon bhog-sanjog manohar, man-vaanchhit jan paave |
trshna-naagin tyon-tyon danke, lahar-jahar kee aave ||12||

में चक्री-पद पाय निरंतर, भोगे भोग-घनेरे |
तो भी तनक भये नहीं पूरन, भोग-मनोरथ मेरे ||
राज-समाज महा-अघ-कारण, बैर-बढ़ावन-हारा |
वेश्या-सम लछमी अतिचंचल, याका कौन पत्यारा ||१३||

main chakree-pad paay nirantar, bhoge bhog-ghanere |
to bhee tanak bhaye nahin pooran, bhog-manorath mere ||
raaj-samaaj maha-agh-kaaran, bair-badhaavan-haara |
veshya-sam lachhamee atichanchal, yaaka kaun patyaara ||13||

मोह-महारिपु बैरी विचारो, जग-जिय संकट डारे |
घर-कारागृह वनिता-बेड़ी, परिजन-जन रखवारे ||
सम्यक्-दर्शन-ज्ञान-चरण-तप, ये जिय के हितकारी |
ये ही सार असार और सब, यह चक्री चितधारी ||१४||

moh-mahaaripu bairee vichaaro, jag-jiy sankat daare |
ghar-kaaraagrh vanita-bedee, parijan-jan rakhavaare ||
samyak-darshan-gyaan-charan-tap, ye jiy ke hitakaaree |
ye hee saar asaar aur sab, yah chakree chitadhaaree ||14||

छोड़े चौदह-रत्न नवों निधि, अरु छोड़े संग-साथी |
कोटि-अठारह घोड़े छोड़े, चौरासी-लख हाथी ||
इत्यादिक संपत्ति बहुतेरी, जीरण-तृण-सम त्यागी |
नीति-विचार नियोगी-सुत को, राज दियो बड़भागी ||१५||

chhode chaudah-ratn navon nidhi, aru chhode sang-saathee |
koti-athaarah ghode chhode, chauraasee-lakh haathee ||
ityaadik sampati bahuteree, jeeran-trn-sam tyaagee |
neeti-vichaar niyogee-sut ko, raaj diyo badabhaagee ||15||

होय निःशल्य अनेक नृपति-संग, भूषण-वसन उतारे |
श्रीगुरु-चरण धरी जिन-मुद्रा, पंच-महाव्रत धारे ||
धनि यह समझ सुबुद्धि जगोत्तम, धनि यह धीरज-धारी |
ऐसी संपति छोड़ बसे वन, तिन-पद धोक हमारी ||१६||

hoy ni:shaly anek nrpati-sang, bhooshan-vasan utaare |
shreeguru-charan dharee jin-mudra, panch-mahaavrat dhaare ||
dhani yah samajh subuddhi jagottam, dhani yah dheeraj-dhaaree |
aisee sampati chhod base van, tin-pad dhok hamaaree ||16||

(दोहा)
(doha)

परिग्रह-पोट उतार सब, लीनों चारित-पंथ |
निज-स्वभाव में थिर भये, वज्रनाभि निरग्रंथ ||
parigrah-pot utaar sab, leenon chaarit-panth |
nij-svabhaav mein thir bhaye, vajranaabhi niragranth ||

* * * A * * *